



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Vita S. Liborii Episcopi, Calcvlo Laborantivm Patroni

**Bolland, Johannes**

**Antverpiae, 1648**

II. Ornamenta omnium nobilißima.

**urn:nbn:de:hbz:466:1-12748**

## VI.

*Epigrammata quinque de S. LIBORIO calculi dolores curante, ab  
N. N. S. I. composita.*

## I.

**Præsens laudis argumentum.**

**A**ngitur horrificis pressus cruciatibus  
æger,

Cui læsa inclusus calculus extra premit.

Pharmaca mille bibit; sunt pharmaca mille  
dolores:

Nulla datur requies: mors erit vna quies.

Ast imploranti extemplò LIBORIVS adstat:

Excutiturque dolor, discutiturque lapis.

Est tua iam virtus albo signanda lapillo,

Quem tibi tam mirâ laudibus arte paras.

## II.

**Ornamenta omnium nobilissima.**

**L**Vx alios tumulos pretiosi marmoris or-  
net,

Et tessellatum conficiatur opus:

Mille lapillorum fœcunda corona nitescat,

Contegat ex auro lamina vtrumque latus.

Nam tua LIBORI fastigia sacra sepulchri

Condecorat pretio nobiliore lapis.

N

Scili-

194 VITA S. LIBORII PATRONI  
Scilicet illa maris genuere & viscera terræ  
Dona, sed hæc homines parturiere tibi.

III.

*Morbi vis elusa.*

**L**IBORII primos hominum libabis honores,

Tam pronâ lacrymis si capis aure preces.

Quidnam in saxa iuvat diras concrecere arenas,

Si nutu in laticem saxa liquata fluunt?

Postmodò mi liceat lapidescere, & extra rigere:

LIBORII imperio desinet esse lapis.

IV.

*Virtus celestis mora impatiens.*

**M**Armora in ignivomis cudent liquefacta caminis:

Cuncta diuturnò nam vorat ignis edax.

At subitò hîc cerno lapides marcescere fibris,

Arbor vt in cineres fulmine tacta cadit.

Ignea (quid mirum?) LIBORII iusta parasti:

Terrenus dio vincitur igne focus.

V.

*Benè repensa virtus.*

**P**Eruigil Antistes, quo cultu reddat honorè,  
Excitat impensè plurima templa Deo.

Mille